

四庫全書

史部

欽定四庫全書

平定金川方略卷二十八

藝文

平定金川雅有序

兵部尚書臣梁詩正

金川地居西徼為隴蜀荒服侵軼隣壤遂邇邊

圉

大師臨境猶負固首鼠

天子震怒特遣大學士傅恆經略之授以勝算佐以
雄兵電赴星馳刻期底績既殲謀黨旋逼穴巢
酋首窘蹙乞哀我

皇沛解網之仁矜彼孤窮許其納款于是蠹叢永靖
虎旅遄歸

天子乃行賞策勲上

陵告

廟樹豐碑於太學晉

顯號於

慈宮九有咸歡八方同慶

臣詩正躬逢

盛事不揣弁陋敬獻歌詩四篇用追大雅遺音于萬

一

有繹美出師也

上命相臣恒西征

特行推轂之典復親餞焉

有繹西土平笮作圉最爾金川嵎險是阻鄰壤

是侮煩我戎旅

章一

爰植我矛爰櫜我弓敢固爾

墉弗逐我攻曰重巖是宮

章二

皇怒斯赫迺集羣策桓桓相恒邦之柱石投袂請行

孔武且繹

章三

皇曰汝恒汝其西邁予推汝轂汝專閭外克掃欃槍

維予斯惠

章四

廟算孔長我伐用張

皇親餞之貝冑其光旨酒其芳戎車載揚用綏我西

疆章五

有繹五章三章章六句一章五句一章七句
戎車翦二豎也良爾吉阿扣為賊耳目經略至
營即擒斬之諸番懾服

戎車既西相恒之傑旦河之秣夕蜀之轄修途
截業遂溯厥穴一章厥穴匪遙乃陟崇椒六師如

雲如雲如濤嗟彼遊魚釜鬻曷逃二章粵茲二豎

肘掖斯挾恃其狡悖實夷之謀數辭以戮駢首

俯帖昔嶺左右罔不震疊

三章

乃培崇垣崇垣則

頽乃伐高林高林則推乃礪我刃乃淬我鋒中

堅是衝允馬獻功

四章

戎車四章二章章六句二章章八句

繁雲番酋降也孤壘窮蹙稽顙乞命

天子赦之以綏寧荒服

繁雲其垂條風聿吹番酋既讐既讐且哀乞貫

餘生延頸思來

一章

有嚴上相秉猷克壯屏除柞

棧蒙穢斯蕩弗允其求以遄厥向

二章

皇曰念哉我冒孔恢誰非我民是翦是夷在昔用師

彼昏則迷既服爾辜予其宥之

三章

爾戈既投爾

甲既積遂詣壘門弭耳撻額鄰行蛇伏戰戰兢兢

兢約法永遵面汗心革

四章

崇壇載設元戎聿登

羣侯咸在赫赫明明告以

皇威涕泗沾膺

皇威既宣六師乃旋

五章

繁雲五章二章章六句三章章八句

鸞鑣告成功也

皇心悅豫闔澤覃敷鉅典鴻文次第修舉臣民樂觀

其盛焉

鸞鑣載和自彼山阿相鈞入秉嘉績孔多上公

既建儀服有加

皇曰汝恒匪獨予嘉上承

慈宮亦惟汝庸

章一

慈宮之訓

帝德之運大化以翔佳兵益慎爰詠吉日

徽稱是晉景福無疆萬邦咸順

章二

春露既滋春禘孔時我

皇孝思告成有儀曰此武功

祖

考之昭自東徂西象車載馳

章三

武功既敷文德斯渥爰

樹貞珉璧雍之度雄詞有倬

天子所作日月之光炳炳爚爚

章四

維

大清撫御克綏四宇西戎既叙諧燮率土罔有內外
悉臣悉主天保采薇治隆于古於萬斯年其承

皇之祐

五章

鸞鑑五章二章章十句三章章八句

平定金川雅有序

禮部侍

郎

臣秦蕙田

皇帝撫萬方丕冒所暨罔不率俾迺金川不恭敢怙
險以狂戎臣失律未即厥辜

帝迺震怒有相曰恒請往視師用推轂授鉞以行如
霆如雷同惡就殲賊褫氣攝魄匍匐丐厥生相
請究功

帝曰吁勿盡劉其與惟新以懷以柔賊用革心奔走

憬附厥角獻琛於相恒恒以

天子威德即撫諭之振旅而歸出師不五旬而金川
以平臣惟王者之迹莫備於詩蓋所以歌功德
被管絃表金石也今

聖主仁武懋昭綏邊荒徼成算所授往返若飛雖虞
后之格有苗殷武之入荆楚其膚功迅烈猶或
未逮誠宜有風賦雅頌以昭紀聲績臣竊觀史
籀吉甫撰宣王之風韓愈柳宗元鋪元和之伐

區區之愚知莫可倫擬妄冀有所頌述謹擬平
金川雅十二章章八句敢再拜稽首以獻其詞

曰

皇怙萬方內豫外謐西南之荒有狡不失戎臣垂計
是玩是軼是震是怒奮我

皇鉞 侯誰一德克忠厥圖迺

咨相臣汝予往誅既類既禡既餞于衢厥徒五千匪

安匪舒 惟此相臣克勇以忠底

天之罰匪圖爾躬金川之阻其山萬重匪載匪乘徒
行以通 金川不諫匪鑒匪茹襟其川谿謂險
可據相臣至止聲罪以數執訊匪徐賊用狼顧
怒麝抗嶽云胡不亡其巢孔完我推孰當厥角
稽首籲生以降士怒未滌鍛我斧斨

天子曰咨孰匪赤子彼歸而誅胡寧忍此其汝子撫
勿踣勿犄我疆則救我戎則殄

天子曰咨民亦勞止載橐汝弓惠我耕市匪缺我鎬

匪折我矢告於

慈寧載色載喜 小人革心爰來爰安率彼羣醜跼於

軍轅相以

帝言滌爾疇愆載慄載欣歸琛有虔

帝謂相臣歸弼朕躬予嘉汝績建汝上公錫汝豹尾

龍袞以庸暨汝將士第功以從 相臣振旅言

歸于京對揚

休命告功之成燕譽于庭王侯公卿鼓瑟吹笙孔燕

孔寧 告此武功于

郊于

宗思樂

聖母徽冊是崇蜀民既安侯農侯工金川率從

天子之庸 於赫

皇武迺武迺文刻銘于碑以播厥勳龜趺龍額于鬻

之門若日月光式是後昆

平定金川雅有序

檢

討

臣
夢麟

皇清受錄彼

蒼繼序維皇欽若勿怠

天眷茂德用錫全宇以定厥家陸壘水慄崩角來庭幽

崖朱垠畏稜莫亢歲丙寅金酋構逆弗靖厥疆

特命大吏馴茲蠢爾非無熊師羆旅吐燭生風殲厥

醜類

帝以蜂螳未與較也戊辰守者弗傲跳梁逾歲

帝乃撫版圖而赫然曰嗚呼維

皇天

祖宗庇余一人以撫茲寰宇氏羌蠻夷余一人實統御
之小醜之不服其何以柔遠人也惟茲一二
重臣弗艱底績曰汝恒汝惟盡瘁為邦心膂壹
國家事假汝節汝其視師西川刑賞黜陟汝擇
自從勿急勿縱以對揚余休維十有一月

天子虔告於

廟既禡既類茲芬用饗百爾執事周旋餞塗干戈矛鋌
欽歆山野淵淵闐闐雷奔電驚固不必載泣蠻
疆而義色仁聲已蹂躪其十二三也癸丑整師
西抵軍頑酋誅番氓懾柞械拔行道免一月三
捷碉卡垂盡怪鳥藩羝退遂罔措鼠竄喙息嗟
呀祈命斯時也軍威暢

天武揚部曲方張士怒未添赫赫濯濯聲靈遐亘大

學士方欲誅厥渠魁用彰

天討固拒而未許也

天子曰於予一人布德四裔絕界不隣胥吾蒼赤矧
茲逆虜震驚胡赦之靳汝恒其納賊降以贊元
化降之日幡幟高揭將士歡呀賊囚鞠脰囚服
泥首大義昭明番氓股栗用獻賁琛長願臣僕
二月金川平臣謹按金川僻處遐荒厥土為不
毛厥氓為醜虜今不三月而地失其險人革其

心非

聖謨之遠彰將略之遐著何克臻此而且嚴厥征討
播神威也留厥種類示殊恩也感恩畏威永永
無極以視古之聲教遐訖神武不殺者夫豈多
讓昔唐憲宗取蜀平淮臣叛地復事無足侈而
韓愈柳宗元之徒見諸詩歌鏗錡典麗詞足以
耀之也

臣謹採古義撰

聖武遠揚雅十章章八句亦詠歌之遺意爾

聖武孔揚於鑠斯張我車既飭于彼殊方曾是厥予
而父乃亢武夫洸洸以屆蠻荒蠻荒伊何維
蜀之右大明麗天魑魅肆醜薄發我疆薄煩我
旅擾我邊陲驚我士女爰咨於相惟汝往諧
于誅于宥厥衡弗乖汝一汝德汝振汝旅有苗
是格余錫汝祉相臣拜手維命乃庸是載是
何以集厥功黃鉞白旄戎輅熊旂朱節斯皇于
郊之西出次于西于郊于野何以餞之稱觴

奠竿珊鞭寶埒靈風肅然百司進止秩彼豆籩
蠶叢是抵層冰嵯峨雨雪其雱雄風來加馬
足有蜷杖策以過相曰勿亟余亦委蛇委蛇
維何日六十里步豈不艱純忠被體我部有苗
從貌忤心爰置我理以憚彼忱彼忱既憚余
威乃揚覆彼穴巢折彼斧槍月匝捷三賊志云
戢泥首軍門戰兢涕泣維相曰嘻汝險奚恃
赦豈云艱惟汝辜死

天子曰俞我鑒匪殊革心恕體汝歸相予 震是西

南汝無額額豈不爾誅

帝衷仁宅我威既烈我武孔揚不殺而降為奕稭光

平定金川頌

謹序

大

學

士

臣史貽直

欽惟

皇上御極之十有四年海宇昇平人民樂業

文教四訖

武德遠揚絕域輸誠遐荒納款洵我

國家全盛之時億萬年無疆之慶也金川小醜僻

處西陲蹂躪鄰封跳踉邊境我

皇上

智臨萬國

仁覆羣生六合為家何忍置之度外一夫不獲即
思引為已辜爰問罪以興師務除殘而救暴速
期底定俾警愚頑而前此任事諸臣經理失宜
蕩平乏策臨敵而幾成束手任伏莽于林中籌
邊而未克殫心等逍遙于河上遂致老師糜餉
曠日踰時欲奏膚功迄無成算我

皇上

乾綱大振

巽命重申

特遣輔臣

親授方略

睿周事後

哲炳幾先定一舉之功六師並出成百寇之計十

道齊飛輦革鉤膺

臨軒而

錫上將白旄黃鉞

推轂而

命元戎於是輔臣虔稟

廟謨恭行

天討兼程並進都忘蜀道之難并日疾馳爰俟大兵
之集必使犁庭掃穴執馘獻俘慰

黼座之憂勤靖邊圉之氛沴乃軍營甫蒞威令旋伸

立誅耳目之奸已去腹心之疾金戈所指山岳
傾頽白羽一揮風雲變色羽林並奮虹霓耀鎧
甲之光桴鼓親提雷電駭征鏡之氣在我師則
擣虛批亢士馬歡騰而彼境則脫甲摧鱗番苗
膽落計窮勢蹙歸命投誠謹約法於六條子孫
戴德尚逃藏於三窟狐兔潛踪而輔臣則必欲
剗厥根株傾其巢穴彼聞號令愈切憂惶我
皇上憫其無知貸以不死謂好生者天地之心而包

蒙者大君之度始則以鴟鶚成性何難聚族而
誅繼則以螻蟻貪生奚忍刑茲無赦班師振旅
爰昭不殺之恩息鼓偃旗更寓止戈之武在昔
虞舜舞干而苗格周文因壘而崇降胥是道也
爾乃

尺一甫頒番苗立化傾心革面率衆偕來而輔臣
亦克仰體

皇仁洪宣

聖德登臺諭衆升帳受降玉螺吹而椎髻搖銅鼓擊
而文身踊銀鏤與曇花並耀爐烟偕嶺草俱香
於時伏罪則涕下沾膺乞命則膝行稽顙羣番
鼓舞諸部駢聞歡聲若雷聚觀如堵是役也奉
牙璋而往甫及三旬飛露布而來不踰八日此
固輔臣忠勤自矢遵行

訓示運籌略以無違實由

皇上宵旰不遑籌度機宜合恩威而並用

時行時止妙用協乎陰陽

知柔知剛大道合乎健順

仁而兼義總歸物與民胞

愛以克威羣仰存神過化日月照而霜露隊血氣

莫不尊親干戈戢而弓矢橐太和於焉保合所

以雪山萃律倏回大地之春金水滌泗盡沐

一人之澤蠻貊由此而盡息邊徼由此而敕寧成王

者無外之規錫四海蒼生之福亦何必繫長纓

於闕下始暢威靈築京觀於軍前方稱神武也

哉臣幸逢

盛世快睹

洪猷未能掇甲荷戈踰險阻而躬親矢石竊願舍

毫濡墨紀

謨烈而著美縹緲從此比戶可封普天同軌麟遊鳳

舞被化於飛走之倫山峙川流效職於清寧之

宇千秋紀瑞萬禩垂聲猗歟盛哉不揣荒蕪敢

欽定四庫全書

平定金川方略
卷二十八

申揚厲謹拜手稽首而獻頌曰

於鑠

皇武遠播八挺烝徒仡仡薄伐金川呌呌跳盪翦滅

遷延

天討有罪

異命重宣

其一

皇咨於恒汝往統師番苗肆虐俟汝平之爰整其旅

秉鉞以馳風驅電掣速靖西陲

其二

宕宕昔嶺鬱

鬱巴郎赳赳禁旅按律整行霓旌具舉象弭斯

張礮聲雷激鐵騎雲翔

其

蠢茲番苗聞風膽落

鼠伏兔藏憂心如灼析骸而炊易子而膾敢拒

王師焉辭鼎鑊

其

危巢岌岌孰與為謀投誠歸命生

或可求返我侵掠獻我戈矛臚陳六事哀此虺

蜥

其

帥為不聞定謀掃穴汝恃爾險中峰嶮嶮

雲梯先登是刈是捩痛斷根株以清番孽

其

天子曰咨一德惟恆如子事父受命兢兢包蒙則吉

罔或不承勿乘其墉勿升其陵其番苗悔罪革

面革心軍門輪欸爰獻其琛哀哀籲請勿膏鈇

堪喻以禍福感悅涕洟其始時番苗野如枝鹿

今懾

皇威形如槁木始時番苗遊梁跳陸今懼

天誅力窮勢蹙其始時番兵思抗

天兵今胥內附願為

聖氓始時番苗鈴柝夜驚今胥向化壺漿晝迎其班

師振旅

天子曰忠丹忱貫日爰錫爾公還歸綸閣來輔

皇躬文武是憲嘉爾元功

其一

飲至策勲

天子曰勇蹇蹇匪躬罔恤頂踵五服五章為汝光寵

補哀是資

垂裳端拱

其二

命將興師

天子之武捷伐用張桓桓震怒禁暴除殘曷敢余侮

番苗來庭教寧西土

其十
三

決策發謀

天子之智密運神機潛天潛地

廟算靡遺番苗心悸奔走偕來屬我守吏

其十
四服

而舍之

天子之仁柔此萬國詎遺番民並生並育以陶以甄

懷我

大德

皇路同遵

其十五

來王來享

天子當陽

武功赫濯

文治光昌六府胥治三事允臧於萬斯年

聖祚無疆

其十六

右頌十六章章八句

平定金川頌

有序

協辦大學士刑部尚書

臣阿克敦

蓋聞綏懷端在文命而耆定厥有武功盛美用
昭譜之饒吹大猷斯煥鐫以鼎鐘維

皇帝御宇之十四年二月望前一日平金川捷奏上
聞三輔歡騰祥開九土

兩宮錫慶霽麗層霄先是莎羅奔狼卡二酋者等夜郎
之自大類有苗之弗恭絕險偷安聊成蟻聚經

時緩死惟待鷹揚自擁麾乖統馭之機專閭鮮
忠誠之節緣繩度索屢煩諭蜀之文束馬懸車
未著籌邊之效於是經略大學士忠勇公傅恒
桓桓策府親受

廟謨乞乞元臣特膺

帝簡丹誠皎日三門騰蹕熊羆浩氣元雲八陣糾盤
龍虎旌旗遙指象地水於行間帷幄高竄肅風
霆於部下山連雲棧不言瀚足之勞雪積桃關

益勵援桴之志封章夜草良謀悉合神機羽檄
朝揮妙算能驚鬼膽良爾吉者性同狡兔為窟
多方形似妖狐依城有術至則殲諸賊界傳示
羣番奸首先誅早奪么麼之魄堅碣繼克益張
捷伐之威飛礮轟雷則兇徒粉潰高牙摩漢而
妖壘洞開橫玉弩以星馳直壓巴郎之境揚珣
戈而電掃平臨刮耳之崖鼠有穴而將夷岌乎
授首虎在岵而難負渺矣游魂所謂無敵弗摧

趁秋風之捲簾何功不克舒夏景以融冰矣爰
乃椎髻斑衣束身匍匐花門卉服泥首逡巡氣
盡析骸自分鯨鯢是斲誠傾乞命誰令天日重
瞻經略大學士忠勇公乃敬布

皇仁三面解好生之網式宣

明詔七擒成不殺之功

聖朝之遠略方新上將之神威有耀誓深六事指海
枯石爛以無渝臺聳千峰與日照月臨而並峙

乞慈化國虔頂金仙作鎮蠻荒願祠銅鼓以及
火山獠洞水寓苗畝一皆懾以

皇靈濡我

元化莫不歡忻鼓舞厥角如崩震動恪恭剖心無二
馳書獻捷杏花飛露布之香振旅班師楊柳颺
春旗之色在昔有雋舞羽來格猶俟七旬涿鹿
興師一戰尚迷五里蕩平也如彼神速也如此
惟

帝曰俞嘉乃丕績惟臣欽若告厥成功益歷覽夫前
編未足方茲

隆軌從此十洲環海咸滋太液之波萬里層城並蔭
甘棠之樹奇肱鑿齒候夜月以歸琛蟠木流沙
驗天風而納賁臣躬逢

景運職領清班敬竭固陋之忱敢效賡揚之義爰拜
手稽首而獻頌曰

皇帝至德承

天之祐曰日以暄曰雨以澍八紘遙遠氣煦體嫗蠢茲
彈丸敢負厥固邊吏爰訴匪德攸喻太阿在懸
皇帝聖武

疇咨奮庸傳爨有相風后力牧欽哉汝往山川
輝光風雲誅蕩堂堂六師忻得大將

錫之熊旗彤弓交韞于禡于社威命用享

相拜稽首

廟謨孔昭元戎十乘自我西郊

天子餞之金尊翠翻百辟卿士泣班不怵乃訓于羣
帥如虎斯號川流山苞用靖繹騷

攸攸旆旌于晉之陽自隴徂川載馳弗遑雪山
峩峩大渡洋洋桃關嶽崎舍我乘黃渡瀘伊誰
我其敢康下馬率先以達於殊鄉

我師既陳先殛其醜誕告爾諸番惟大義之剖
乃勵九攻高驤罔後奮我震霆重推疊朽有凶
而伏無鋌而走悔為戎首自罹大咎

易子析骸是用告哀
蹴蹴稽顙乞其子遺
凸面凹頂繫囚纍纍
兒號婦啼昔嶺之崖
言言語語謂前蹈于
狂迷

帝仁如天服則舍之

其時仲春月之五日
爰受其降高臺崩劣
維彼渠魁懼弗敢匿
維六事永遵曳踵行
膝何遐何荒我威我
德其自今以往順

帝之則

帝曰汝相予嘉汝庸加汝章服爵汝上公曰汝逆歸
日贊贊我天工豹尾揚揚宛馬龐龐翩彼春風
言旋于東焚叟巴童歌舞率從

五句告功闕闕振振

臨軒受之蠻方耆定煥乎有文

皇謨

帝訓勒之辟雍惟

德廣運億萬萬年宣昭令問用告于

天

祖載篤其慶

惟

天惟

祖景命溥將

兩宮燕喜純嘏是常

鴻名

顯號玉冊金章惠此萬國俾壽而康山梯海航近

天子之光屢豐穰穰容保民無疆

平定金川頌有序

禮

部

侍

郎

臣
齊召南

乾隆十有四年

皇帝神武平定金川仲冬命將徂征孟春奏捷下

詔班師受其降而不殺也殷武商名頌克鬼方以三

年周宣江漢常武之雅近在徐土淮南猶且揚

詡鋪張傳播千古況

皇帝豐功偉績如是赫赫明明可無歌詩追配於商

頌周雅臣愚不自揆倣古以為此詩

赫矣

聖武纘我

列祖以篤其祜命將鞠旅自天而下叶討金川番鹵罕

入其阻莫我敢拒其逆是取其順斯撫不留不

處前歌後舞以寧疆圉以福我寰宇一章

蠢爾金川隸我蜀邊馬羌狗蠻窟于雪山雪山

巔屹維石巉巉接岷連岷有水蜿蜒羊腸屈蟠

恃險而顛乃番簇是兼乃爐地是覘乃礪樓是

堅抗我戈鋌

二章

皇帝曰咨茅桡勿斯將成柯枝閭外誰司天誅是稽
我庸治之以倣恬嬉

聖算深奇勿疑勿遲與神為謀

叶

曰往視師汝傳恒

宜將熊羆虎貌以揚

皇威

三章

維十有一月

皇帝齋被廷授之鉞禁旅偕偕旌旗發發既禡辭

闕如火之烈如水之活如矢離苦馳抵賊穴旬日

而達雷轟電掣何勅不折何險不拔

四章

大兵堂堂師律孔明

叶

鼓向前岡狐鼠敢當走

喙且僵誰謂山蔣蔣如趨康莊誰謂水湯湯如

度橋梁誰謂礪可藏如隕土牆殲此披猖如炳

太陽以消雪霜

五章

番乞降恐後相臣上奏且俘羣醜蕩彼林藪

皇德高厚曰予聞大道叶驅左驅右寧失飛走矧亦

童叟降安可勿受

詔書下趣酋面縛泥首率千百其耦泣奉牛酒六章

奕奕膚功閱月之中宣示臣工即酬爾庸歸錫
彤弓惟休兵重農偃革銷鋒當春始融甘雨和

風澤普萬邦叶惟

皇威與

天同斯罔不恪恭惟

皇德與

天同斯罔不包容

七章

聖武昭燁伊止戈是樂紹

祖宗神略文德無弗格環海之博是疆是索是耕是鑿

吹豳飲蜡萬類時若臣忝佐宗伯寶司簡冊頌詩

有作庶繼桓酌垂示無斁

八章

平定金川頌有序

刑

部

侍

郎

臣錢陳羣

皇帝十四年二月經略大學士忠勇公臣傅恒既平

金川捷書奏

聞羣臣稽首呼萬歲

上欲然曰非予之力乃

五后之德

文母之訓

親詣

慈寧宮稱賀行慶典布告天下惟時廷臣咸作為詩歌

以紀功德臣伏考史冊所載黃帝師涿鹿高宗

伐鬼方周文之於崇於密傳及孫子宣王薄伐

玁狁未有不戰而能成功者惟書稱有苗耒格

乃在班師振旅之後後世言武功者未有倫比

今金川番酋恃險搆釁阻闕聲教大學士忠勇

公恒祇受

廟略師壓境斬偵謀嚴紀律申六事渠魁懼伏無所

逃罪俛首乞命

皇上恢湯網施堯仁憫其窮而求活

命恒納降班師苗至頑蠢罔識天地高厚焉能揣測
大聖人度量涵育幘幪異類而革面革心傾巢穴以奉
皇師戴上將如慈父母自推轂以迄成事未逾七旬
膚功克奏噫何其神也易曰信及豚魚書曰惟
德動天無遠弗届非夫聰明睿知神武而不殺

者其孰能與於斯蔡沈言舜之文德非自禹班師而始數苗之來格非以舞干羽而後至今

皇上之推仁也以天自處即沈所謂干羽之舞雍容不迫是也番衆之歸仁也自動以天即沈所謂有苗之至適當其時是也以今視昔殆有同符

臣愧無文未能鋪揚

駿烈垂于無窮恭繹古今來感通之理天人相與之際風之自也微乎微乎其信然矣謹再拜稽

首而

獻頌曰

猗與

帝文萬寓網縵爾師爾君股肱惟諧威畏德懷徼外

其來廣漢之羌禿髮在唐

禿髮訛為吐蕃金川其遺種也

種人

狡狂金川憑陸鳥語獸居釁仇隣墟

天討用申戎車駢駢往綏邊人後先委蛇齟齬老師
皇帝曰嘻匪恢我圖任彼負嵎而乃稽誅曰惟相恒

一德欽承鉞投壇登宴餞作歌益兵番番

廟算孔多出自桃關冰行雪攀天射之山至師殲凶

賊心受攻推其叩籠

後漢書丹旄夷依山而居累石為室人叩籠註今彼

土夷人呼為喇也

隱阿嶽岑無峭無深回面改襟

皇帝好生曰納其誠相勲予旌爵汝桓圭載歌以晞

振旅來歸曰惟上公實勇實忠神明其通賊舞

且歟迎我旌旂入穴出巢總戎糾糾率是豪酋

獻琛而謳約誓既嚴戴

天心悅日輝露沾二月捷

聞西顧歡忻寧民息軍凱入春韶龍旂展霄

皇帝受朝樂響賞行中外鏗鉦

大青天聲告功上

陵優渥薦馨惟

祖

考靈始時金川服則舍旃

聖母命宣祇崇

徽音惟

孝治心穆穆愔愔

天筆隆隆碑于辟廱厥光熊熊蜀民亦勞今者嬉教

既載既燾惟德惟刑遠人勸懲

王道永凝泰來之詒上下福綏羣太平基

平定金川頌

有序

順天府府丞
臣馮燾

皇帝襲

五后之純熙昭登明德敷聞彝訓運淵默鏡宇宙巡靖
黎庶宣序品物絪縕紛綸覃及乎海外罔不搏
心戢志勤恁旅力允臻王路虔奉我不天之大
律

皇帝有事於四方咸若稽卜筮信孚在下乃惟純佑

秉德之臣曰恒

皇帝灼見厥心克宅以常伯常任以由繹其德用克
和我庶政張皇我六師以揚我

聖清之丕顯成烈惟十有二年梁州之守臣來告曰
金川之蠻弗協於厥類介恃厥衆敢用憑負以
卽於大戾今不正厥後亦不懲

皇帝曰吁爾勤恤爾土戢爾士爾惟時動以威敬哉
用咸致秦涼益黔荆衡巫巴之庶士庶長越我

御事以西討於金川遏之絕之乃或徐之惟弗
敬厥事時則諜有間之越二年罔克告績

皇帝曰嗟勛哉我西征之士帥弗用臧俾我衆則瘁
予一人其敢有佚罰亦惟咨爾有臣疇克知天
威奮我衆毋怠毋豫往既厥事恒拜稽首曰惟
國家先正之臣義厥義臨事勿讓臣尚克綏暨顧以

肅將

天子之明威

皇帝曰俞哉惟汝允諧乃告於

廟宜於

冢土錫以鉄鉞雕甲龍旗癸丑

皇帝臨門以餞元戎五千帥以西邁逾河涉隴遂濟

二江越邛嶧登天赦隨山刊木束馬以度己亥

元臣至於軍討我拜諫俾伏其辜爰總我五帥

十有二師降旗奔醜揚武乎昔嶺邛籠摧撓悞

夷咸請命於我師相臣曰肆哉我士予畏天明

惟曰干紀亂常者誅罔攸赦爾尚輔予欽承

天子威命

皇帝嗟蠢茲有蠻既懾既震勿庸殺之姑惟宥之惟
皇太后咨於爾恒用大降爾蠻民之命亦惟爾恒克丕
有顯績予視功載建爾於上公來復相予以康
宅天下相臣乃以

天子命俾帥臣諭丕德於金川金川之人咸曰俟我
相我志其允格二月癸未受降于壇越既望倅

以露布來獻

皇帝曰朕承

天序遵

祖法綏靖我家有罪不敢赦武亦不敢極予敢曰尚配

虞帝之顯德予惟五旬爰格有蠻茲亦惟

天丕建我

宗社萬億年無疆之休越我

皇太后朝夕訓迪之德咨爾典司其敬告於

郊

廟允隆我

聖母之丕顯休號於是羣臣咸進曰聰明睿哲神武不殺洋洋乎若德帝者之上儀誥誓所不及已

皇上仁育萬物義正萬民仰惟前代實與虞帝同德
宜崇顯號施尊名令萬世常載巍巍顯翼翼因
集展采錯事之臣俾正列其義被飾厥文以宣
究無疆之大烈

皇帝謙讓而未悉俞也臣拜手稽首而獻頌曰

皇受

祖德既蓄萬邦曰威惟畏曰明惟明含厥荒穢合由以
容遠撫四極亦是率從孰居西徼頑不即工曰
惟金川實古冉駹陵彼種人以桀以訕

帝謂守臣往遏其封金川非茹于我顏行叩籠是恃
邦灼是通王旅遠阻不時告功念我征夫罹此
瘁瘵念我農夫瘁此巖谷

皇曰相臣汝惟同德則厲其嚴則勻其慝是拔是震
是絕是忽汝惟腹心錫汝斧鉞女惟干城錫汝
雕甲朱弓綠縢盧矢四發王旅燁燁烝徒燁燁
奮其愾怒如霆如雷相臣率止既協而歌履彼
天險如平不陂沫水湑湑天赦我殲彼攸謀
大膊厥徒相曰耆之以肅王誅惟

帝之武昌彊弗斲惟

帝之仁昌柔弗育謂我相臣爾公伊濯龍袞在笥桓

主是爵惠康我民還師偃伯乃惟鍾琪克獲厥
心弛其刑桎諭我德音稽顙壇下俾獻其琛恆

秉義德揚

帝之明澤枯以膏析醒以醒遵我六事來復邦經

帝嘉元功爰降命書疇以虎賁豹尾神旗

王師之出時惟五旬式是干羽放虞之文

帝曰匪予實

宗社之佑繄我

聖母丕訓則懋義曰止戈無競維厚金川既寧王會畢

圖官臣拜手惟

帝之謨

平定金川頌

有序

原任詹事府詹事

臣陳浩

臣聞大德好生秉仁心以涵育神武不殺揚義
問以昭宣恩威丕振要荒普天被澤遐邇均歸
憐載率土輸忱格及三苗帝世舞兩階之干羽
化行九域王朝集萬國之共球自古所傳於今
為盛欽惟我

皇上

乾元錫福

泰治綏猷

湛露洽堯天躋八紘於仁壽

和風周禹甸被四表以光華臣民是訓是行遙孚

鑿齒雕題之境小大來王來享遍逮穿胸嶺面之

鄉詎玉壘之窮邊蠢馬構釁惟金川之小醜率

爾跳梁雖蝸角相爭初無傷於治化而犬牙互

錯實自速乎刑誅在

聖世必視六合以同仁豈偏陞忍令一隅之失所爰
命奉詞伐罪非務佳兵何期速旅經時未聞大捷軍
中淹滯先申縻餉之條塞外遲迴尤重老師之
律

特宣上相總統元戎于橐于囊北路儲胥畢集如貌
如虎東方車騎交馳

聖天子親示機宜俾萬里情形瞭如掌上大學士欽
承

方略覺

九重籌畫洞若目前披雲雪以遄征士馬飽騰而山
川失險奮雷霆以迅擊旌旗整肅而草木知驚
既首縛乎渠魁聞風膽落并立殲夫間諜望影
魂銷進克堅礪似嚴飈之捲穽尋攻昔嶺猶烈
馘之推蓬豹略龍韜飭愬古武通而並進天衝
地軸蟠風雲蛇鳥以分羅烹釜底之枯魚行見
過河而泣擒窟中之狡兔豈容脫穎而逃雖傳

之翼不能飛巢無完卵即走於險無可挺死不
擇音於是力屈計窮銜哀伏罪遣頭人以來請
聲與淚之俱傾悔往日之無知面與心而交革
然而旌門誓衆必斬樓蘭鈴閣尅期定誅頡利
壯軍容於百倍與子同仇決勝算於先機滅此
朝食羣醜正驚惶之無地我軍方摩厲以相須
欣承

詔下九天網開三面擴生成之大度上請

慈宮溥赦宥之深仁

特申異命喧傳

恩詔反側都安敬拜

溫綸幽遐悉暢正

帝廷雲燦星輝之候值軍營風喧日暖之時八座登

壇鎧仗與韶光並麗六師夾帳塵埃共兵氣同

銷旣奏凱以馳

聞爰受降以頒

諭數從前之罪戾萬死何辭許此後之滌除三生有
幸豚魚向化欣看蠻部心傾螻蟻銜恩遂解賊
夷面縛遵六條以毋犯謹凜

王章繡千佛以勿諼難酬

聖德安內攘外奏文經武緯之模誅罪賞功成戒休
董威之治視商室鬼方之克弗待三年比周家
獫狁之襄無煩六月漢世詩歌樂德安能媲此
協和唐代傳著歸忠未易方茲赫濯惟

皇上實能以

聖母之志為志仁民愛物體

懿訓而容保無疆斯元臣亦能

以

聖主之心為心奮勇效忠遵

睿謀而膚功立奏

聖孝光昭於寰宇上

徵稱而喜動

慈顏

天威遠播於遐荒紹

列祖而茂登邳治勒豐碑於太學

龍章丕煥星雲宣偉績於史臣鳳紀永垂琬琰萬方

慶洽四海歡騰

臣

備職纂修承

恩殿館恭逢峻烈賀

萬年有道之長肅效微忱申億載太平之祝謹拜手

稽首而獻頌曰

皇帝御宇海宴河清煌煌義色藹藹仁聲不毛窮髮

咸耀光明梯航萬里拱嚮

神京蠢茲蕞爾遙依棘荆肆掠鄰部蠻觸交爭

帝用赫怒

勅將整兵前帥不戒於時久更既嚴失律疇弗震驚

乃

命碩輔秉鉞專征汝往欽哉爰釐爾成載拜稽首式

遄厥行祇領

睿算風雪兼程千巖飛鞚八門列營先縛姦回絕彼

間偵

朝野稱快謂絕禍萌寒夜集衆元日宣令如電斯
掣似雷斯轟小醜敗逃莫敢抗衡乞降不許俯
首哀鳴

詔從天下賜以更生憫是窮虜免為鯢鯨昔干

天討網羅自嬰今沾

德化重列編氓銜

恩結感物抱其情有苗之格格於

至誠

王師不戰永靖櫓槍止戈曰武仁與義并凱歌競奏

父老歡迎依依楊柳悠悠旂旌

帝開闔闔樂舞咸英策勲飲至懋獎忠貞大哉

帝德如天難名明威震疊偉烈崢嶸祥凝寶篆瑞叶

金莖班聯雀躍億兆葵傾光昭

孝治耀於寰瀛丕承丕顯惟

聖勵精民物安阜品彙滋榮於萬斯年共樂太平

平定回疆方略卷二十八

欽定四庫全書

平定金川方略卷二十九

藝文

平定金川詩

大

學

士臣傅恒

殊方僎

帝澤曠日軫

皇情自顧年華盛
兼叨奕葉榮徘徊
依禁樹感激赴

邊城

君父恩逾重功名念並輕
安營希細柳報

國矢丹誠敢謂無堅陣
欣知有練兵恭憑

神略遠會見冠氛清
萬里

天顏近歡呼自此行

平定金川詩

有序

大

學

士

伯臣張廷玉

臣聞天地好生之德迭用剛柔帝王馭世之權
覃敷威惠蓋揆文教以懷遠人亦樹武功而柔
異類食毛踐土苟自外於尊親方趾圓顱遂不
容於覆載是以涿鹿阪泉之戰爰控威弧三苗
九淖之師克稱義旅莫不丹青簡牒焜耀韜鈴
自古為昭於今尤烈洪惟我

皇上神孚軒鏡化洽虞于周六合以為家視八荒而
同閭碧弩文犀之責附尉候以來同旅焚越雉
之鄉踰譯鞬而奉朔蠡茲莎羅弁者種雜冉駝
界連邛笮向以率先犄角倖竊竹符敢於雄長
諸羌侵凌戎索廩君遺孽頻滋縱目之妖鼉令
游魂漸肆磨牙之毒我

皇上咨諏將吏申畫郊圻期邊徼之又安登蒸黎於
衽席不毛隸版雖無益於耕桑窮髮稽誅亦難

逃於斧鑕郵馳羽檄厯五夜之憂勞案積軍書
仰

九重之經畫恭行

天伐神謀不藉於陰符於鏢

皇師勝算咸衷於

宸斷時則經略大學士忠勇公臣恒忠昭日月氣壯

山河當

廟算之親承乃閫戎之專寄推轂而塵清衢路

禍牙而風捲旌麾歷險如夷峭崿詎辭徒步誓師
不宿艱難遑恤衝寒玉帳方開立誅黨惡瑯戈
未舉丕振先聲五雲蟠蛇鳥之圖孽童號魄八
陣合鸛鵒之隊小醜潛踪雨隕銅丸裂若昆陽
之瓦烟飛鐵礮傾如鉅鹿之城我武惟揚方威
先乎奪卡彼師其遁已膽喪於攻碣遂申帖耳
之哀用布析骸之慘於時臣恒猶欲殲此長鯨
封之京觀掃虎狼之窟穴絕狐鼠之攀援乃我

皇上式廓充襟宏開湯網祇奉

慈宮之懿訓大德曰生敬宣

聖母之宏仁止戈為武

詔傳紫綬適當就縛之辰威震雕題旋築受降之壘

尉陀奉表服上褚為外臣頡利請盟見大人而

羅拜朱衣畫袴盡繫長纓武錫文鏡盛陳番樂

革心六事誓泣血於壇壝稽首三呼乞餘生於

機俎奉莊嚴之佛座五體投誠負緡鋤於營門

萬金為誓龍蟠旋旅遙聽凱奏三軍虎韞韜弓
曾未加遺一矢用是秩宗議禮太室銘勛位五
等之崇班師九章之命服彤弓旅矢賚自尚方
豹尾羽林錫之禁近桃闕濯燧垂駿烈於鴻編
昔頒來庭薦聲歌於

清廟

睿製頒來黼座香生壁水文芹

奎章勒在貞珉光映橋門石鼓發皇功業繼陶姚子

似以同符斧藻詩書合雅頌典謨而不朽臣地
切論思情殷忤舞兩階贊化勇不任夫荷戈三
捷書功事實光於執簡躬天保採薇之盛際敢
後謳吟竊韓碑柳雅之餘辭用先鐃吹云爾
璇霄雲爛泰階平五緯森沉絳斗明地近朱鷺
通屬國山呈丹甌達

神京毳毼歲自涅中至葦笠人安嶺外耕豈謂一
隅辜

聖澤日尋蠶觸事紛爭

千仞孱顏控雪山何來蠹爾伏椿營負嵎獨倚
羊腸險營窟還憑鳥道艱蠶食比隣規弱肉鷗
張頻歲煽諸蠶

盛朝威德光神鼎能燭深林罔兩奸

懸種度索古沉黎梗化將毋癰疥滋聲罪定宜
彰九伐投荒直欲竄三危青邱勁旅仁無敵丹
浦雄兵事可師戢暴寧人勤遠馭詎容小醜弄

潢池

上相西征出玉墀

六龍飛鞚禍牙旗

親頒睿略風雲會宣布

皇威日月垂禁旅祇如行衽席先聲早已懾羗夷盤
空蜀棧高無極天厯駢駟汗血時

貔貅萬隊領元戎聚米山川指掌中
搜狡穴巢傾妖鳥縛狂童

廟謨密受無遺策聞寄因收不戰功自是

明良賡一德丹衷炳炳協

宸衷

刺閨五夜蠟丸書鈴索丁冬禁漏初雨雪中途

憐甲士芻茭諸道念軍儲銅梁險阻當天末玉

几籌邊逼歲除昕夕趨承知

聖慮憂勞無間

萬幾餘

日麗轅門淑氣回行分組練繫渠魁檻中困獸
斬生急斧底游魚乞命哀赦罪宏開三面網受
降高築百尋臺朱提皮幣如山積一曲饒歌畫

鼓催

星馳露布達甘泉

黃幄纔看罷講筵

經筵次日
金川提書至

文德千秋繼千羽

天心萬里運璣璇

金輿先送

慈宮喜寶墨頻將

聖教宣薄海蒼生同錫福

徽音長奉太平年

亭育無心仰大鈞風霆一瞬化陽春安攘籌策

操全勝擒縱機宜本至仁六事輸忱寧遠徼萬

金肖像祝元臣熒童賓女羣歌舞須識

深宮費拊循

櫓槍永靖慰

臨軒解甲人遊化日溫歡動六軍歌杖拄簪聞

九廟薦蘋蘩辟雍新紀

龍文麗典誥

親裁鳳藻騫謨烈重光輝汗簡明堂端拱奏雲門

欽定四庫全書

卷二十九

平定金川詩有序

左

都

御

史臣
劉統勲

臣伏見

皇帝陛下御極以來聲教暨訖肖翹遂性猛驚易形
所謂仁育羣生義征不譴四海九州大順大化
者也西南夷金川土酋莎羅奔狼卡忽構隣釁
不遵吏約初懷懼罪之心旋成負固之狀潛伏
阮隘天討久稽

皇帝命大學士傅恒親往經略誅渠奸破堅壘刻日獻俘乞降不允

皇帝特頒恩諭許其自新二酋悔罪抒誠詣營歸命以六事自贖經略宣布

威德受降班師桴鼓不勞膚功立奏蓋敵愾之後軍猶在中途而振旅之前旌已返內地矣捷

聞晉大學士恒爵忠勇公

御製碑文勒石太學以昭示無極慶賀禮成遐邇歡

悅臣備員

禁近親見

指揮謹撰平定金川詩一篇以獻凡千有八十八字
具道

聖天子武烈文謨明良喜起之盛雖辭遜昔人而事
高往古傳之簡冊庶以揚扆我

國家赫聲濯靈於萬一焉具詩曰

皇臨六幕赫赫明明陽開陰闔秋曄春萌有遠而賓

無疆弗庭孰恃蓬質以扞大刑西南絕徼下詔
高靖踦距映咽兔窟蟻封泳沫遐濶以長以生
跳踉自適乃忘其形狼奔豕突厥隣是驚彼羸
弗支籲我尉候選隸授兵徃辭徃救不即厥靡
翻駭而關負嵎誰撓虞人避獸螳臂已揚懼弗
蒙宥磨礪甯爪已藏雖鵠巨網空恢神樞莫透
時曠功稽師勤將逗惟

皇遠覽誕降天誅謂叛無小在梗斯鋤非懲而舍頑

則莫渝爰究爰度運此鈐樞曰予股肱宏汝遠
謨汝徃僕克汝遂相予虎賁汝從錫汝彤弧左
右武文敷圉之符月在甲子三日癸丑建旄設
旄良辰是取于牧于郊來桓來糾

天子莅止羣公先後乘以訾黃酌以大斗虎步龍驤
相拜稽首載抗威援來歸非久爰集禁旅禁旅
庀庀長轂雷野高鋒彗雲八方散綵揚光飛文
讀列偏繫橫朗紛紜爰召勁卒自我邊屯卷甲

東來如育如賁威噉秋霜氣挾春溫攫戾執猛
動若焚輪相臣率止是用大介情刑戈銳焜燿
旗旆度險如夷飈驅電邁乃越我疆乃臨彼界
乃訓諸司我營我隊有蹶其興孰邀以怠乃討
軍實我卒我械有淬其銑孰窳以壞彼炤孰煽
孰誘孰和厠我戎行敢為詐訛眇眇臨夷曰測
則叵既駢而誅乃絕盜囹蔡莽歲蕤岳厓嵒峨
依倚歛碕壘石是窩龜縮蛇伸蜂房螫窠霆擊

山鳴堅摧峻矧外潰以犇中慄而掉彼氣斯偪
我勇聿昇涉躋蒙龍騰凌翫翫陣相孤虛軍環
栗兆白羽蜚散赤輪響爆羈帛暘睨窘束蹉踣
何阻不踰何幽不窵既選推鋒將移大纛匪枝
匪梧無寧盡劉笞痛而誓惟生是求負殼踰藏
遣訴伊嘍待命孔殲如魚挂鉤相曰非誠矧乃
重尤旦夕爾俘奚憑是留惟爾探威戕隣樹仇
我仆爾臬用綏彼柔草牘師中達於

帝聽請覆其巢請託其命無俾遺育以狃不共戈取
在穴孰云可縱相厥山川審茲涂徑簡銳而往
算則有勝無我費留勞瘁我衆三旬曷淹一鼓
斯定

皇容有佈顧瞻咨嗟予怒狂醒予閔窮呀弗赦弗圖
具燼於燬曾是殼觥而斧鑕加予惟安人非武
節誇予奉

慈音是訓是嘉汝其遄歸有競鼓笳息乃鷹揚來相予

家相布

皇言風行汗渙貸彼游魂許以革面凡我三軍勿唬
勿悍式和爾容歸承

帝眷有憬之魁跂行闔現魚瞰雞睨出於芰園侏儻
睽睢有辭有獻喜溢斯陶悖餘猶顛虎臣矯矯
提攜以來取道彼衝靡慮靡猜翼從馳驅結束
鞞敕翊翊蠅蠅雀躍兒哇造於中權膝屈頤墮
戴責銜盟牽牲薦疊感發漣漉悔深歎咎六約

有嚴敢乞相裁相曰來前爾無怖苦

皇有恩言弛爾罪罟爾境爾完爾族爾聚爾約我聞
我弗貨取賜以錙帛啖以酒脯舍之軍中始焉
圍圍少旋而舒觀其蹈舞乃告成功班師振旅
振旅輶輶露布以傳

皇曰休哉錫福汝駢疏爵酬庸庸自相先豹尾雙綏
衣袞圭桓相拜稽首

天子萬年稱賀論功歌詩肆筵祇

謁

寢陵明禋用虔樹石成均既磨既鐫磨鐫伊何惟

皇有作如日斯光如天斯大炳耀鏗鐃詩書莫過

神武宏昭

聖文遠播百爾賡颺載歌載賀五色相宣八音迭和

盈耳洋洋飛騰蕩簸頌我

皇猷美我良佐佐

聖以蓋膺力方剛為元為愷為召為方既定遐邇思

日贊襄獻壽

慈寧弟祿穰穰

大孝尊親

徽號用彰靈契神符烏奕鴻庀聲殷地絃輝燭天闔式
於九圍億載無疆

平定金川詩有序

吏部侍郎臣介福

我

皇上膺圖御宇至德育萬方淳風同八表乃金川小
醜自作不靖於蜀西徼外邊吏請

命伐罪而番酋跳梁負固

天討久稽大學士傅恒親承

睿算秉鉞專征未匝三月受降振旅而還維時典隆

告

廟禮重尊

親晉爵行賞

恩賚有差中外臣民咸頌

聖天子明見萬里威振百蠻駿業豐功超邁隆古

臣

謹按事端末揚屬

盛美賦長律八十韻以

獻

於鑠

皇威遠車書統

大清百靈扶

景祚九服拱

神京獨握乾綱斷交成泰運亨由來尊斗極久已

掃欃槍詎有苗民逆偏茲芑蘖萌河湟方匿跡

沫若復遺嬰竄入由烏海浮來似鼉令居然能

聚蟻修函解飛螭鬼國稱雄長蠻方侮老傖九

頭昏瘴雨一足嘯風檉狼子心原野蝸牛角互
爭奪巢聲上下鬪穴氣縱橫大渡驚鳴柝巴郎
聽遠鉦賓機妨夜織蠻隴廢春耕關外初傳令
山中竟伏偵思將呈鬼域欲以蔽光晶鳩聚聯
夫婦鴉羣結舅甥唯唯徒嘯聚煽動自喧轟滴
博煩長戍蓬婆急踐更伊誰稱敵愾孰是即師
貞彼此持猶豫遷延漏網紉姦圖希得售良算
尚稽成壘石藏身固攀籐騁足輕深林容狙獫

峭壁跳鼉鼉地險難窮入天河挽末傾依然竭
負虎猶爾浪橫鯨握勝申

天討封符

命將征詰戎咨宰輔振旅屬邦楨幕府

當朝傑元臣三代英小心懷翼翼景命佐庚庚
推轂商方略

臨軒送遠行自惟膺節鉞况復忝台衡早習神兵練
何知小醜勅金戈迴日馭玉弩動星精五夜馳

雲棧千山聽鐵箏破番毛髮豎吞虜目眦瞪占
繹乘墉義謀深犄角并三驅超狄道一掌過天
彭聚米圖能畫持籌筆滿盛機宜遵

廟算丰采懾夷情水激船唇送冰堅屐齒撐但教罅
入阻誰道莫之撓已定攻心策傳聞破膽驚先
除秦細作更散熨奸氓次第收餘黨從容用大
牲月光搖白羽電影掣青萍忽湧排山燄還
穿裂石錚雷礮驚落魄風靡亂披鬚旗捲妖氛

却烽燃苦霧晴望蟾餘喘息吠日失猙獰梟鳥
巢知破螳螂臂敢擎仰天惟泣血悔禍亟輸誠
蠢虜思銜璧

恩綸罷用兵

天戈無血刃台鼎待調羹免窟窮三伏羊腸貫九縈
先聲馳上將衆志果堅城乞命哀窮獸收降貸
滿坑萬全靡失計一面許偷生臺築凌霄漢香
焚繞珮珩峰喧金幣進雀躍酒漿迎共服恩威

著無慚忠勇名七擒孟獲里八陣武侯營白日
消山魃清風靜桂麋去時衝臘雪歸日聽春鶯
回首狼煙靖沿途笳鼓鳴巴山增喜氣隴水變
懽聲叩竹迎鐃吹甘棠護驛程還軍歌杖杜飲
至滿觥觥就緒剛三月宣威振八瀛酬庸膺上
爵褒績協名卿采艷龍章服班移豹尾旌普天膏
澤遍匝地凱歌盈告

廟瞻懷栢明裡潔幣騁

撫謙辭大號達孝致

尊榮凡此神功捷皆由

聖斷明巖廊垂藻火

清廟奏咸莖王會歸周室蠻荒奉夏正小臣欣載筆長

咏

泰階平

平定金川詩

吏

部

侍

郎

臣

德

齡

國家威德允莫儔提虞挈夏超殷周我

皇愷澤渙且瀏文經武緯敷優優式序遠過古九

州莫不來享陳共球矧茲蠢爾南蠻陬界連蜀

郡若贅疣鞭箠使之同馬牛敢於同部相侵牟

棘刺會見斤斧搜窮谷未遽施虔劉蛙跳井底

深藏度不恭者誅良有由我

皇赫怒命獮蒐萬騎雲合烝貔貅番番元臣克壯猷
請先士卒分勞憂

帝授方略神與謀恭行

天討匪安遊山川險峻道路修雲梯雪磴翹足投遂
臨玉帳籌軍籌前時乖迂紉訪諏乃知叛黨陰
相繆立誅造釁綴及穰諸峒懾服不敢咻號令
颺肅高秋絳霞繞岫揚旌旂爰散乃干鍛乃
矛長戟大劍光鎧蚤礮聲雷發地軸愁士氣奮

厲號虎倖踊躍慷慨歌同仇賊巢夙恃惟碉樓
攻擊所及皆躡蹠有若強弩穿縞綯先聲震唱
迴不倖已聞定計布網罟臨高下瞰鬼穴幽拊
蠻之背扼蠻喉徽索直入擒猿猴蠻驚膽落交
自尤營前蹲縮如窮鷺哀鳴乞命聲啾啾又如
沸釜魚沉浮尚冀止薪以生偷將軍憤切務獻
囚必致藁街懸其頭

聖主仁愛徧覆幬矢以文德明懷柔

特詔元臣姑赦首聞於萬國靡不揉面縛來歸厥角
捄蹠獻象設併美鏐束以六事允所求潢池盜
弄復敢不盡洗慝念無萌留春風浩蕩凱歌謳
入而飲至紛觥觥告之

祖考錫福綢太和翔洽民安鳩

天子神武暢布流昇平億載無疆庥

平定金川詩

內

閣

學

士

臣

陳邦彥

累洽

皇仁遠重熙景運昌八紘周地軸五緯燦天章喜氣
風雲合謨猷日月光尊親通內外覆載訖遐荒
草木皆呈瑞山川競獻祥旅獒來異域越雉貢
災方孚信豚魚格輸誠玉帛將有知皆向化孰
敢不來王蠢爾茲酋虜囂然等夜郎當車螯奮

臂闔穴蟻稱強蠶食侵隣境狼貪噬廣場不緣
申薄伐曷以警無良經理稽時日機宜負廟廊
中權耽偃息小醜恣披猖壘石山為窟依江水
作防林猿偏狡獪峒虎逞強梁赫赫

天威震煌煌

廟算長彼昏雖罔革我武正維揚

命將由

宸斷除殘正典常九天來上相七萃簡牙璋仗鉞臨

蠻土揚麾出

帝鄉勛名裴晉國心膂郭汾陽鉦鼓軍容壯風霆捷

伐張神機

親指投勇略備周詳虎旅同甘苦鸛班樂贊襄軍行聯
指臂雲棧踏康莊鐵騎千山雪豹裘五夜霜誰
能安寢食誓欲掃欃槍勝氣平吞賊先聲早伏
羌堅碣推剗落飛礮擺雷礮間諜擒首渠魁
待斧吭驚魂心戰慄束手意徬徨按律原無赦

生前詎可望

天恩真浩蕩

聖度實汪洋
俘馘寧全戮
聲靈亦孔彰
竄深憐獸困

網解祝禽翔

詔下歡聲沸
軍中喜氣颺
築壇迎上將
設帳列戎行

匍匐陳金幣
逡巡具酒漿
革心要六事
務面識

三綱密箐天
光現窮巢
惠露灑洗兵
金水畔解

甲雪山岡
卉服齊泥首
實人頓滌腸
凱音來絕

塞露布達長楊休命傳

文母班師慰

聖皇褒書馳絡繹章服錫輝煌儀衛森文豹鏡歌繼
白狼圖麟看虎拜歸馬羨龍驤告捷裡

陵廟升中禮

顥蒼元臣兼將相

天子協柔剛干舞追虞夏鋒銷陋漢唐崇功盟帶礪
偃武鞏金湯一德調元化千秋慶未央昇平欣

有象奕禩正無疆

平定金川詩

內

閣

學

士臣董邦達

王猷綏遯遠

帝德莫寰埏疆域桃關外

聲威雪嶺邊今看我即叙往者力猶邈昧谷迎陽少

蕃畿阻地偏殊風自南徼雜種近西零舊入巴

實貢由來笮輦連蓬生非自直野性敢思騫嘯

夜叢陰魅騰羣鬪巨挺雖云雄部落已是肆漁

收塞火雲烽警軍符虎竹傳出車紛繹繹接戰
却延延未解秋螳臂虛張病鶚拳風塵疲苒苒
意氣重何憊空磧還驅馬濃嵐盡點鳶芻糧終
日輓組練幾時還尚待爪牙競寧知歲月遷

皇心切求莫師律慎明權飭法原懲慢登壇即尚賢
中朝授方略上將握殳鉞

龍袞親金箠霜華送玉鞭揚麾神策轉按隊伙飛聯
令共司冥肅行隨急景遄星稍遙指蜀羽騎已

臨沂霧捲蓬婆外虹流大渡前山蛇盤細棧陣
鳥出曾巔束馬冰崖度梯繩石隙穿帳寒龍倚
劍更曙月低弦幕府才良盛元臣統制專山鳴
悲角震風動大旗寒士氣增三倍軍容擁萬千
首誅窮惡本伐意得幾先凡叛聲相倚為風久
益扇藏猶同臭味滋蔓借資緣偵謀平時慣回
容故事沿游魂方假息衆議尚牽攀既正豺狼
戮遙令虎豹痛因之揚我武遂乃搃其咽鉅壘

已郎道戈橫昔嶺烟纖毫當烈炬積礫會奔川
早見營頭墜何曾石窟堅乞降今不得尚詐昔
徒僇竄鼠驚惟喙哀猿命若懸捷書馳劍閣露
布達

甘泉春月師逾壯羸俘勢就顛誰言遺毒螫直欲盡
鯨鱸絕域無分土含生實共天陰陽本輪運開
闔若環旋

恩自

重霄沛

詔從

三殿宣洩旬方

命至羣醜尚山陟別將馳單騎中軍勒四甄轅門初
洞闢游氣正高褰因壘允渠戢獻琛嘉贄虔紫
光隨大賂紺色湧金仙約誓期來效肯災宥往
愆繞壇香晻靄面內淚潺湲此輩懷

恩至期於遵

道平崖名雖刮耳人至已摩肩
伊盟番兒唱攀鬆蠻女翳應同
集於泮無復化為鷓蜀犬那驚吠
巴人始宴眠是時韶景遍行處物
華妍古驛縈芳樹曉山啼杜鵑雷
為競笳鼓雨為洗戈鋌朱勒桃花
騎青條杏葉羈征途塵漠漠歸日
燭娟娟回首峨嵋雪經心華嶽蓮
悲應獻婦子喜覺溢都廛

聖主褒麟閣元台耀斗躔崇階崇
鳥奕

蕃錫下聯翩繡服龍章合神旗豹尾駢仍分

金掌露更飫

大庖鮮遲日宜尊俎游絲醉管絃霞開襄邑錦山

徙水衡錢將吏

優恩浹黎氓租稅蠲兆人真有慶

帝力轉忘胼展禮嚴

陵

廟升馨潔豆籩

高靈從陟降純道達薌羶讓善

神心豫歸

親

聖孝全黃芝封

寶冊紫闕擁

香輶文物方殷日鴈鸞悉在旃

仙階同忭躍佳氣拂貂蟬

御墨星河落字碑琬琰鐫壁宮銜照耀螭勢掣蛇涎

石鼓齊光價儒經共講研論功誰比者稽古可
觀焉猶憶虞千舞長懷湯網捐出征維六月捷
伐且三年旁魄論西漢銘勛紀北燕方斯徒齷
齷下此益彋彋

昭代承

休命幽荒際幅員百靈朝玉帛

二聖在璣璿盪滌流沙界渙揚青海塙

今王勤繼序敷德暨裘璫

廟算常操契

神機動中銓

仁威兼震兌覆載體坤乾

駿烈光

三世

英猷勒一編典謨皆有考雅頌各犁然薄質叨榮幸

鴻圖豈象詮獨慚游

聖海未獲奉微涓擬獻夷賓曲重陳

王會篇

平定金川詩

大理寺正卿臣鄒一桂

惟

皇撫萬邦四海慶安宅梯船來遠服球賁通重譯血
氣皆尊親豚魚亦孚格何物金川酋蠢爾逞昏
孽弱肉恣侵吞

天威敢忤逆恃嶮憑虎踞出穴穿鼠窟卽臣謀不滅
兩載氛未滅我

皇赫然怒

廟算定機策

指授經略恒汝往親執馘經略秉忠亮神勇更超絕
揣賊如戶庭過伍於衽席拉營即鋤黨賊已失
間謀軍令申嚴明士氣奮糾仡攻摧連晝夜衝
冒先兵卒卡奪瓦解紛磔破雷轟烈長驅搗中
堅膽落魄已攝窮蹙乃歸命泥首乞存活專征
事犁庭未許便輕釋解網頌

皇恩赦罪

諭兵衛神武貴不殺況此等螻蟻浩蕩覆載寬畏懷

即吾赤崩角伏聞

詔悚慄變喜悅六事遵約束萬戶供兵役番蠻盡傾

誠邊徼永寧帖衮衣振旅歸酬庸秉圭璧玉壘

呈祥雲巴歌雜饒發組甲倏縶戈閭里欣卧轍

捷書到

彤廷忭舞徧臣列

皇師不血刃醜類已洗革

洪仁稟

慈訓

偉武昭

祖烈好生洽民心

宗社綿福澤作詩嗣采薇千載光史冊

平定金川詩

有序

順

天

府

府

尹臣

胡寶琮

國家聲教溢乎天區文軌極於海表莫不沐浴福
應宅心醴粹是以豐施含洪下及於昆蛟草木
即遐陬偏譯悉主悉庭

皇帝以聖德緝熙帝圖勤求治理天清地寧萬靈是
若含齒戴髮之倫所以奔走順則歌咏太平者
中有茂世之規外無纖毫之警遠服邇肅於斯

為盛獨茲金川原非貴落雜處西南夷中蟻穴
其封鼠窟於厠榛榛狃狃并不得與鷄鵠齒我
天朝誕彌八裔化感無外亦惟是羈縻弗絕而已目
不睹雲日之光耳不聞咸英之奏野心莫馴恃
其險遠輒敢虐驅種類蠹有葉而漸侵車無輔
以何托蓋逞其狂狡但知弱肉強食以戕其隣
而不知迹近覲邊即干昭憲其時守臣請加創
艾用彰

國威

上猶以蠻夷自相攻擊乃其素性毋究武以煩吾民

第

勅嚴塞明候增陴繕械使么麼自戢氛祲潛消勿邀
功以生邊事既而罔有悛心乃命師武臣整旅
以挫其鋒謂將自知懼怖仍並育兼包非必草
薶而禽獮也及狼貙屯聚猶翹臂以當車轍而
一二臣之不協厥心功用弗集

聖上憫士伍之罷勞邊氓之况瘁經歷歲時不可無
重臣以既厥事惟大學士傅恒克膺統帥其往
視師於是簡期門飲飛之屬并徵兵於東虎旅
龍驤桓桓赴赴颶馳電發煜燿震耀遂禡纛
臨門親授方略大學士奉

命以行臣以愚朽之材幸得廁從軍之列廣所聞見
維時大學士飛輶星馳歷井陘踰潼關陟劍棧
取道岷山玉壘間前過笮橋風水搖宕不為動

而天射之險莫能格班斲之毒亦莫能侵焉旌
麾至軍其日即斬良爾吉以徇良爾吉者諸番
之宿猾饗設桀驁擁兵肆橫蠻服多兩屬聽其
指使雖陽率衆以從我師實懷二心為金川內
應賊得以主待客聲援抵禦益負固不服初大
學士受經略之

命謀謨密勿既承

上旨至是赫然排衆議而誅之視猶雛鷺羣番懾伏

不敢仰視而我兵聞此聲威一軍皆驚士氣百
倍賊番喪膽又聞京兵從天而下皆一以當百
知其摧銳攻堅而所向無敵也遂大驚深藏不
出大學士親督熊羆之衆碎其堅礮聲雷轟
飛火照耀賊震恐冒死突出先設伏而追殲之
又率兵登絕險奪其石卡賊戰守被殺傷計益
窮請降益力大學士受任軍旅惟知討賊且謂罪
惡貫盈理無倖賞方刻日誓師衆入其阻必繫

頸額始告竣事而還

皇帝以好生為心知我兵大振賊勢已蹙不難朝鼎
夕砧以盡殄滅然至仁乃以革心神武在於不
殺俾得請以安徽人受降之日臣親覩莎羅奔
郎卡自視如蟻蝨率所部番衆數千百輩皆衣
毛毳迎以傑休兜離改襟輸寶泥首傾心言語
嘒麗咸頌

聖主天涵海包不釜鑊而生全之自訟其昔之昏迷

而向風不早也臣嘗考之載籍伐叛者多矣明
彰天討必殲厥渠魁獻俘執馘導揚威力但誌一
時之盛而亡萬骨之枯豈足稱仁其誘致而誅
殺者尤為失體勝之不武若淮蔡之役雖擒首
惡然苦軍旅罷轉漕四年始定即回紇之退師
喜見大將尚存盟誓之詞無異與國今則兵不
血刃時不數旬而虺面獸心之徒鞠脰帳下俯
首服罪出於至誠是惟

聖神文武遠軼漢唐而感應之速至於如此臣伏見
皇上旰食宵衣罔自暇逸決策

九重明見萬里外

皇太后懿訓諄諄詳示遠大之謨皆萬年無疆之休大
學士克敬謹遵循以成厥功爰策勛酬庸光於
國典道封忠勇公遭遇

聖明懋賞公也凱旋之日百姓填塞道路戴我
皇如天之德喜氣洋溢

天和退暢甘雨應時麥禾茂長

微臣

身在軍門自始事

以迄成事凡

睿謨之指示

聖度之寬仁經略之奮勇番酋之歸化無不目擊而
心識之其敢以弇鄙無文闕焉昧於揚扞美盛
乃作為詩歌隨諸臣饒吹之後謹拜手稽首而
獻辭曰

珠纒平列泰運昌開榮灑澤凝天慶我

皇兢業提乾綱羣工百辟靡不覆我我髦士羅膠庠
農服畎畝安耕桑偃武修文坐明堂車書一統
太和翔鈞陶庶彙調陰陽休徵時若宜雨暘布
茲淳化方垂裳深宮祇肅猶皇皇積精上感

帝座光

天心子愛無時忘德洋恩溥歌擊壤東西南朔窮要荒
九區克咸勤梯航旅獒底貢白雉將雕題擊蠻
來相望戈偃征苗光有唐三葉莫遂勞武湯蠻

夷編入克鬼方戎車既飭王國匡詩書所紀何
煌煌至今千載猶丕揚金川小醜陋蛄蜥欲窮
厥初本始茫蜂目豕首被髮鬣下吏鞭箠如驅
羊汗流塵漬時踰僵盤紆茀鬱巢榆枋阻山為
固恃重墻

皇圖無外皆吾疆蘗芽其間漸不臧諷咀齋薰何周
悼蜂蠆有毒思跳踉潛窺蜀徼掠行商狼貪虎
視凌懦阨數侵同類公攷攘邊臣上請加懲創

擬絕異種完邊防

命嚴刁斗我自障馬腹焉可恃鞭長胡不悛改干刑
章爰申九伐齟齬猖獗師臣相軋天和傷狡寇傾
伺尤撞搪提兵叫譴犯顏行哀兇鞠頑氣益張
蠢茲蜂螭與斧螳跂跂脉脉汚池隍

帝念征夫久沙場屣屣輸輓越奇礮

顧瞻重臣趣武裝腰懸相印垂寶囊

臨軒推轂汝其襄更從

天厖賜飛黃巨鬯載錫白玉觥

至尊目送大纛颶戈鋌耀日行彭彭軍鋒之冠皆軒

昂相臣攬轡氣慨慷立踰絕險入瘴鄉雪蒙烟

幕未敢遑神兵天降皆龍驤申明紀律肅秋霜

信賞必罰遵

國常首誅黨惡鋤强梁子璋骷髏血淋浪先聲載

路賊憂惶雷轟電掣不可當絕鼠一日五技亡

勢窮援絕徒驚麀蛇行側目氣沮喪同聲乞命

哀啼蜚相臣志往斧其吭不使餘孽留微芒

帝德好生為彷徨彼皆赤子共青蒼乃

勅相臣韜劍鋸赦罪納款宥咎殃番匱厥角涕盈眶
朱提古佛迎壺漿

天子明聖大澤滂蠻服亦自有肺腸嗣今不敢復狂
勦露布飛奏達巖廊相臣還朝歸牙璋策功飲
至分

帝觴上公是建佩玉瑤豹尾

寵錫自

天閭穹碑銘勒

睿詞芳凱歌共奏盈縹紉行慶施惠及四旁

朝廷有道致休祥自

天眷佑福穰穰麒麟遊郊鳴鳳蹠於祭其美甘露灑萬

年端拱盛治彰

微臣

拜手頌

明良

平定金川詩

詹

事

府

詹

事

臣

阿

林

皇帝御宇之十四年二月望前一日平金川露布上
聞河岳騰輝旌旗煥采懽聲雷動齊景雲開臣等忝
列

宮僚兼塵侍從踴躍鼓舞尤不能自己於言伏見
有事金川以來霸上真同兒戲夜郎不識天高
帝有明威

日無私照爰

命大學士忠勇公臣傅恒

授經略印以行年如鄧禹仗策馳驅志比馬援據鞍
顧盼禮成推轂屯虎衛於期門忠足籌邊領龍
驤於

禁旅浩浩蕩蕩轉轉聞聞不介馬以馳遂援桴而
赴桃關夜渡捫星斗之寒芒雪嶺朝登俯岷峨
之壯觀韜鈴決策悉協神機鉞鉞宣威先收敵

間兵直來從天上虜已在吾目中令適下而山
搖劍將揮而石裂然後聲乘破竹勢等建瓴雲
擁飛幢火入巴郎之阻雷驚疊鼓礮凌刮耳之
巔曰莎羅奔曰郎卡幕燕將焚分無完卵釜魚
正沸暫假遊魂乃至仰奉

宸謨彌恢

天網謂羅刹真成鬼國而么魔具有人心是宜釋彼
繫因用以靖茲荒徼諸軍列騎虛聽指揮上相

升臺親傳

勅旨二酋者約遵六事率焦頭爛額以輸誠感極三生指石爛海枯而說誓奉元戎之塑像幸戴光天頂化感之金仙願依樂地從此五丁徼外更鑿千盤一線天邊重開八面繩橋望去靜惡浪於金川鐵騎歸來藹祥雲於玉壘剛及五旬之頃坐收萬里之功臣等就日傾心臨風結縢敬效輿人之誦還同壯士之歌

粵自番禺燭西川苦驛騷軍中無號令河上等
道遙赤足巴人瘁朱顏焚婦凋何當開玉帳空
與珥金貂狡兔謀偏出長鯨氣益驕終難逃

睿鑒旋已伏明條白日消氛壘青天敞汶漻元臣生
間世壯志薄層霄弱歲登三事崇班冠百僚而
征陳豹略受

勅捧龍綃萬竈紛成列千旗靜不囂衝寒升雪嶺涉
險度繩橋著屐危支齒行泥巧蹈橈彎弓臨太

乙試劍指招搖勢卷深秋穽威凌半夜潮先聲
收猾虜大義懾羣獠絕域踰印符窮巢失獨獍
鞬輶啼木客彳亍走山魃設伏奇頻出攻堅戰
屢挑憑空如捕鳥容易似承蜩累石轟能裂連
烽火欲焦惟知芟惡草尚恐及良苗寬大承

新詔包蒙荷

聖朝雕題穿詰曲泥首集焦僥夾道降人拜營門寶
纛飄法遵丞相約占叶大人繇匍匐瞻天表殷

勤望斗杓繞壇春
匝環戟樹峒堯雨
洗天邊
甲風清塞上燭飛
章來入日捷奏到
中宵蠻貢
通重譯城笳息麗
譙麟臺勳業顯銅
柱姓名標
頒爵三公貴酬庸
五等超四國華袞
粲雙暈翠
翎翹稠疊

君恩渥輝煌

鉅典昭

慈憚忻獻

壽

黼座喜鳴韶霽色依馳道祥光護綺寮上

陵尊

祖牒告

廟設庭燎高下台階正陰陽協氣調聖神文武頌永永

仰

唐堯

平定金川詩

詹事

府

詹

事臣表曰修

神鼎奠八柱方輿安六鼇五旬成底定萬里掃
腥臊天外桃關闕雲中昔嶺高烏空春卷幕馬
放曉歸槽憶昨疆場擾逾年計畫勞伊誰司撻
伐枉自列旌旄大帥銜徒擁邊臣職倖叨集兵
塵浩浩轉餉衆嗷嗷拜

命元臣出抒忠

聖主褒寵行

臨鳳宸受策啟龍韜上駟頒飛騎豐貂解

御袍前牙光獵獵大旆影颺颺風磴千盤雪星橋百

尺濤寒仍教挾纊渴更與投醪擊鼓軍心振揚

戈士氣豪伐謀擒黠鼠按狀斬飛猱目已無全

壘身真入不毛劍芒揮紫鍔弓力擘烏號絕壁

人爭上危梯戰乍鏖須臾凌廢堞倏忽蹈平臯

立見銅丸潰何嘗鐵鎖牢井蛙寧可久穴蟻詎

能逃弗待施長組居然致老饕降幡來夾路亦
服儼分曹

詔解纍人縛

恩流大地膏貢金紛馭還讚佛聽啁嘈競斂當車臂
都拋買犢刀蓬頭牽騾裹花面進葡萄蠻女雙
了綰番綾獨繭纒頂香焚唵吽除道翦蕭蒿戢
戢通馴鹿跋跋度旅葵歸人齊釋甲列隊盡垂
索廣宴昭

殊錫亨碑泐

睿毫鳳鸞文炳蔚科斗字周遭

大典符謨訓雄詞走籍翔告功陳灌鬯象德夏靈瓊
朵殿時多暇薰絃靜每操春旂霏柳絮

園寢薦櫻桃赤縣無烽燧青疇轉桔槔康衢新有咏鼓

腹樂陶陶

平定金川詩

侍

讀

學

士臣王際華

帝敷文德協寰中航海梯山玉帛同萬國恬然依化
宇一隅蠢爾塵

宸衷

廟堂自裕平蠻略

神武應收不世功翼贊誼隆而闡重我我英輔領元
戎

負嵎阻險已經時

天討爰申特命師虎衛分兵開玉帳龍驤承

旨建牙旂勞先士卒均甘苦勇奮風雲應指麾耿耿

祇期紓

帝顧酬勲三錫信相宜

叩笄何須闢五丁鷹揚萬里疾如霆金川浪靜

鯨鯢伏雪嶺春回草木青旣稟

廟謨鋤狡黨還思輕騎掃番庭從知地險終無濟金

底游魚自頻聽

壯猷人懾漢嫖姚計日妖氛看盡消秉鉞但知
殲小醜舞干已許赦頑苗三驅解網

仁恩溥六約翰誠

聖武昭遙想壺漿迎獻處番夷夾道戴

天朝

方略時時仰

睿裁未央前殿捷書來不遺一矢膚功奏纔及三旬

振旅回藹藹祥氛凝武庫悠悠伯影偃靈台神
京父老迎軍入麟閣沙隄取次開

投醪挾纘感

皇仁愷樂爭歌

聖澤均雪棧穿雲忘遠戍柳隄飛絮慰歸人甲兵淨
洗

天顏喜民物胥寧壽域春共卜金甌固磐石嵩呼獻
頌慶臣鄰

平定金川詩

侍

講

學

士

臣

周長發

車書萬里震聲靈綏靖蠻江奏教寧一片降幡
投玉壘五旬露布達

彤廷心回爨焚資元輔膽落沉黎對使星蠹爾金酋
知向化洗兵柔遠勝犁庭

高崖密箐阻西川

詔策元臣獨靖邊才並韋臯尚介鉞勢如王濬下樓

船載塗雨雪牙旗擁達曙關山鐵騎聯上坂王
尊能叱馭要將三捷報甘泉

方叔籌邊仗壯猷仰承

廟算統戈矛五原勁旅踰秦隴八校雄師指益州續
挾三冬屯虎豹烟生萬竈萃貔貅軍聲直令窮
番感戮取鯨鯢有崩維

雷霆魂奪九溪蠻已翦么麼等刈管玉帳先聲
騰雪嶺金川羣醜伏桃關岳家軍入千尋壁衛

國師踰九疊山面縛輸誠爭乞命納降書奏慰

天顏

聖德如天總好生釋旨

詔布錦官城兩階干羽苗初格三月軍書賊已平荒
服春皆回草木蜀江星自洗櫓槍歸來喜策連
錢馬楊柳依依映繡旌

滴博峰前靜鼓聲當車螳臂撫羌氏節樓已建
盤山下玉斧長剗大渡西羽檄馳來真倚馬竿

書頒處喜銜雞汶江自此橐弓矢無復徵兵過

五溪

武庫聲威擁節旄班師

天語慰賢勞豹斑析尾懸金縢螭甲蝟鱗

賜錦袍丞相合崇裴度爵上公更贈呂虔刀策勲飲

至圖麟閣詩賦彤弓奏八瓊

西征虎旅本騰驤仰奉

皇威赫濯揚早見迅雷聲絕傲更施湛露到蠻荒褒

勛

宸翰銘金石熙績臣心贊

廟堂偃武修文調玉燭萬年有道頌無疆

平定金川詩

侍

講臣郭肇鎔

清時方域慶同文
保大寧誇遠略勤
戎索向修周職貢
荒夷敢拒漢官軍
師中吉自歸元輔

天上恩原待茂勲
一騎甘泉馳露布
六街好語共知聞

捫參歷井路孱顏
叱馭何知九折艱
飛礮頗教開絕嶂
揚鋒早已聳諸巒
風雲自壯旌旗色
水

雪難封虎豹關

廟算稟承皆勝算千秋方召許追攀

和門歸命敢遷延馥郁香花拱道邊入檻疑狐

原自取依人窮鳥亦堪憐條風細雨

皇恩溥震電驚霆大號宣荒徼謐寧中外喜太平景

物倍暄妍

春深振旅入

皇京菴畫垂揚拂旂旌高下風花呈瑞色喧闐茄鼓

帶懽聲收邊已偃靈臺伯歲事長焱武庫兵
嘉頌漫矜朱鷺曲登歌端合倣由庚

慶烟遙護

紫宸高上相歸來解佩刀五等封應開甲第七章衣
與換征袍祥符喜見神人洽

睿慮仍懷將吏勞萬古貞珉輝

鳳藻不須講德待王褒

舞干直自姬虞階聖德元和未足儕禮秩容臺

多慶典書傳方略仰

淵懷九州禹跡歸漸被六服堯封總熒諧經緯訂謨

流奕禩皎如日月麗中街

平定金川詩

候

補

諭

德臣興

泰

巍巍

聖德追唐虞
覃敷文教周
海隅貞元五
百此其會九
有率土同車
書金川么麼
敢騰蹕自外
覆幬驕幽墟
毋乃鼯性好
逞技尚非螳
臂寧當車往
者棘門等兒
戲老師糜餉
臣之辜天錫

帝相相曰恒
明良一德交
泰孚爾為舟
楫涵霖雨元

精耿耿貫丹樞稽首頓首上表請願彰

天討行天誅

帝曰俞汝往欽哉克承威命以弼予登壇誓師告

天

祖披堅執銳選車徒兵符相印佩左右雷霆號令風雲

驅虎旅三千分隊出羊腸萬里兼程趨是時正

直冬之暮寒風積雪盈征途風騰士馬羸糧芻

蜀山棧道何盤紆兵過枕席衆不擾星馳疑有

神靈扶拔角脫距森劍戟搜原剔藪張螫弧天
戈一指烏鼠散逆酋膽落心相輸我

皇好生不嗜殺叛則致討服舍諸織皮卉服亦人類
滅此朝食胡為乎堂堂正正六事約網開三面
容歸俘捷書八日赴

闕下傳聞道路爭忻愉

帝曰汝恒忠且勇功成不戰惟須臾唐之汾陽漢諸
葛古人未必令人如同時論功孰其右酬庸宜

與尋常殊榮以章服晉以爵

帝澤厚與

慈恩俱古者獻馘則在泮奇烈况復光

前謨揮灑

宸翰勒金石碑高三丈蟠螭趺濯錦江頭春正好

恩波浩蕩分沾濡蠻荒即今順

帝則刀耕火種勤官租鼓吹

休明

小臣

職已曲願效嵩山呼

君歌臣拜颺喜起億千萬載繪作昇平圖

欽定四庫全書

平定金川詩

中

允臣寶光鼎

臣光鼎稽首言臣伏見

皇帝陛下質仁秉義一體中外戊辰仲冬

特命大學士忠勇公傅恒徂征金川以正莎羅奔擾

鄰抗誅之罪我武惟揚剗猾摧堅允渠乞降迺

詔肆赦已巳三月振旅

告祭神人咸喜

皇帝率歸善之道恭上

皇太后尊號凡在含識莫不尊親而臣備員宮僚得隨

諸臣拜忭

太和殿陛下伏思唐元和間收蜀平蔡皆以我土
我人自取其有猶以為難其臣韓愈柳宗元揚
而訖之為元和聖德詩為平淮西碑為皇武方
城雅辭事光明於古最鉅矧茲金川僻處萬里
外虞帝所不及格殷宗所不及伐

天威一振九旬斯舉求之往古無有倫比

皇帝既親製碑文勒績成均而廷臣又率為詩歌尊

揚

盛德臣竊不自揆謹擬元和聖德詩體作乾隆

聖武詩一篇雖未能道萬分之一亦欲以燭火螢耀

附光

日月其辭曰

皇撫九有道豐而泰何邇不綏何遐不屆最爾金川

桃關之外譬彼幽谷靡知明晦我其曜之其動
其跂有狙羶羶其冠其帶不馴其生乃齧其類
用壯而搏恃剛而斷饑嘯怒跳謂莫予奈番部
星羅其微斯睦控於大吏匍匐况瘁吏始上
聞請以兵訊

皇曰其可往申予義悉發庸蜀其衆翳翳戈叢于林
鋒夥于蝟聿分十道擇肉一試彼醜匪茹言張
之臂見窘不支竄入其穴其穴孔隘其入孔遽

持斧從之或曳或掣大師洋洋磯於細石乃留
乃處以延以待

皇曰其然國有明法誅不用命擇良以代惟汝臣工
孰敵予愾惟予相恒汝忠予契畀汝節鉞龍盾
金鎧畀汝干邪以賞以罰汝擇汝佐惟賢惟才
予濟汝師及汝器械予其餞汝以往事事惟時
仲冬越癸丑肅減宿登光朝日晦時是禡是禱
龍駕載蒞有觥其觶有酒其旨

皇曰咨恒今汝其邁

皇曰咨恒閔予戰士恒拜即

命載馳載驅不翰而飛履險而兌天射無阻繩橋既

濟陳師于疆諸軍則會矯矯旗兵號豁斯最亦

有伙飛參趨千隊積雪為圍指山作廡馬鳴而

蹻士飽益厲及其鈇鋒受之以礪我提我攜利

是剴剴將劉其根先絕其蒂維良爾吉小黠大

獯匪粟之秕乃狼之狽其合乃行其離乃躋乃

殛乃戮提首相示番醜矍矍乃怖乃悸乃强撐
柱室隙自蔽我師薄之乃伐乃肆以我干城剔
彼蓬脆如布穀麋加之華岱決於碣門厥吭斯
搯厥顛斯捽厥牙斯擺遠礮長輶吐火赴勢上
燭層霄下出九地中作霹靂連山破碎番醜駢
矣番酋喙矣履彼巉石待其蹶矣降幡晨豎告
以億矣往來啾啾嗟其嘖矣相為不聞簡予精
銳予鼓予鼓予利予鏃謂予汝殲無汝貸矣謂

汝速率勿予句矣

皇曰舍之勿是草薶予人其人以對予

帝歲大荒落春王正月

命發于

廷浹旬以至是時番酋刮耳是守緣遠頓伏乞命

我師桓桓鍾琪乃蹕一騎金沙之洋松林之昧

有迓于途城門不開約法用六以信不疑以其

醜來有亟無滯二月初吉厥日癸未乃設將壇

中建表幟天兵四羅
昨密密髣髴列宿南北
哆侈驚風西來大旗旆
鉦人伐鼓轅門開揭
橫吹十部紛綸沸卉
蠢蠢番酋髻首面繫
左言望呬長跽受吏
相曰勿畏吾不汝刈
蠢蠢番酋齊頭而拜
謂我小人既毒而瘵
惟我丞相療之以艾
謂我小人既因而瘵
惟我丞相遺之以糲
俾我心意無狂無獫
俾我耳鼻無則無剝
我垢而覩我熱而漑
有兒呱呱我捐我棄
丞相活之

我拊我字有婦娟娟我涕我泗丞相脫之我仇
我儷有田每每我蕪我蕘丞相治之我邦我耒
有室翹翹我毀我廢丞相奠之我塗我墜哀我
人斯丞相是賴哀我人斯丞相是戴願鑄金
人崇之廟祠存于我日以慰我思相曰匪予惟
皇仁愛恤爾死亡貸爾蠶芥為天而蓋為地而載為
母而食為父而誨爾儕小人惡知細大蠹蠹番
酉歡呼

萬歲內面厥角如石投碓乃貢其有而享其志繡佛
紺目上擁螺髻南金累累羌以萬計相曰勿然
吾不爾利薄取其一式昭爾認蠢蠢番酋虜面
自誓始我如寐今寤而悔悔不可追愧則曷沫
巴蜀之犬從茲不吠謂言弗信視此皦日

皇曰咨恒予人其愾汝振予旅返之隴畷

皇曰咨恒汝其遄歸錫汝爵命上公崇秩錫汝神旗
豹尾棧汝復相予萬邦是式維暮之春桐華

綴綴丞相戾止百體孔攸

皇展其儀其儀棣棣臚人辨等重譯胥洎大觀在上
爍以純懿厥惟丞相是贊是弼

皇式于宴式宴且喜疊有清醑俎有羹載凡百卿士
式序在列厥惟丞相是貺是右

皇莅于庭在庭載賚吏紆珪組氓舒租稅雲之油油
膏雨下施厥惟丞相是宣是霈

皇格于

廟在

廟廡廡于

陵于

寢以

告以祭以獻厥成受

命不怠厥惟丞相是眷是寄穹碑截業大書深鏤立之

太學萬國所視其義其詞諸生講肄石鼓年深

畫缺科隸詎比

皇章詞偉義備躋典為三峙頌而四匪今斯今

先皇是嗣

皇曰咨恒惟汝勞勩恒拜稽首

皇帝之制

皇帝不居

聖母之釐鴻我

徽號允矣


康惠惠以養人康以長世誕受百祿自

天保乂無艱于後而昌而熾而壽而富無為而理無有
金革無有鉗鉞我肌無傷我性無失飲以淳滋
糗以甘實蒸為清氛煦以元氣大涵鯨鯢細逮
昆蚩永俾無天無疾無癘斯年萬萬與

天無既

臣龔

作詩永昭來裔



平定金川方略卷二十九